



Arkivnr: 2014/13889-136

Saksbehandlar: Eva Vinjevoll

Saksframlegg

Saksgang

Utval	Saknr.	Møtedato
Fylkestrafikksikringsutvalet i Hordaland		02.04.2019

Fylkestrafikksikringsutval og tilskotsordningar i nye Vestland fylke

Samandrag

Fylkestrafikksikringsutvalet i Hordaland spelar i dag ei viktig rolle i trafikksikringsarbeidet i fylket. Kommunar, lag, foreiningar mv. søker årleg midlar frå FTU for å gjennomføre tiltak og arrangement i kommunane i Hordaland. Fylkesadministrasjonane i Hordaland og Sogn og Fjordane ønskjer å fremje ei sak til fellesnemnda i 2019 for å vedta kriterier for tilskotsordningar til fylkestrafikksikringsutvalet i Vestland fylke og å belyse FTU si rolle i trafikksikringsarbeidet. For å kunne dele ut midlar i 2020 må kriteria for tilskotsordningane vedtakast i fellesnemnda i 2019. Kriteria baserer seg på dei eksisterande tilskotsordningane i dei to fylka.

Økonomi: Ingen effekt på økonomien

Klima: Ingen effekt på klima

Folkehelse: Ingen effekt på folkehelse

Regional planstrategi: Ingen kopling til regional planstrategi

Forslag til vedtak

Administrasjonen legg fram sak til fellesnemnda i juni om retningslinjer for tilskotsordningar i fylkestrafikksikringsutvalet. Saka må opp i fellesnemnda dersom fylkestrafikksikringsutvalet i nye Vestland fylke skal kunne forvalte tilskotsordningane i 2020.

Fylkestrafikksikringsutvalet er meir enn ein forvaltar av tilskotsordningar. Fylkestrafikksikringsutvalet ber difor administrasjonen om å belyse for fellesnemnda nokre av utfordringane på trafikksikringsområdet som fylkestrafikksikringsutvalet har særleg ansvar for. Det gjeld mellom anna:

- Følgje opp vegtrafikklova § 40a om fylket sitt ansvar for trafikksikring
- Følgje opp fylkeskommunen sitt ansvar i Nasjonal tiltaksplan for trafikksikring på veg
- Sikre godt tverrfagleg fagmiljø innan trafikksikring i nye Vestland fylke
- Kompetanseheving i kommunane
- Stimulere til aktivitet i heile fylket

Ingrid Kristine Holm Svendsen
kst. fylkesrådmann

Håkon Rasmussen
fylkesdirektør samferdsel

Saksframlegget er godkjent elektronisk og har derfor inga underskrift.

Fylkesrådmannen, 19.03.2019

Fylkestrafikksikringsutvalet i Hordaland spelar i dag ei viktig rolle i trafikksikringsarbeidet i fylket. Kommunar, lag, foreiningar mv. søker årleg midlar frå FTU for å gjennomføre tiltak og arrangement i kommunane i Hordaland. Fylkesadministrasjonane i Hordaland og Sogn og Fjordane ønskjer å fremje ei sak til fellesnemnda i 2019 for å vedta kriterier for tilskotsordningar til fylkestrafikksikringsutvalet i nye Vestland fylke og å belyse FTU si rolle i trafikksikringsarbeidet. For å kunne dele ut midlar i 2020 må kriteria for tilskotsordningane vedtakast i fellesnemnda i 2019. Kriteria baserar seg på dei eksisterande tilskotsordningane i dei to fylka.

Både Hordaland og Sogn og Fjordane har fylkestrafikksikringsutval (FTU), men dei to utvala har noko ulikt innhald. Talet på møter per år er fem i Hordaland, og to i Sogn og Fjordane.

Begge utvala har tilskotsordningar dei forvaltar, og delar ut pengar til både trafikantretta tiltak og fysiske tiltak. I Hordaland har FTU ansvar for tre tilskotsordningar, FTU i Sogn og Fjordane har to. For å sikre at det vil bli delt ut tilskotsmidlar til trafikksikringsarbeid i 2020 vil administrasjonen i dei to fylka saman fremje ei sak i fellesnemnda om tilskotsordningane til Vestland FTU. Tilskotsordningane bør ha frist tidleg på året for å sikre at det er tid til å gjennomføre tiltaka som får midlar, difor må ei slik sak opp i fellesnemnda.

FTU i Hordaland har i dag ei rolle utover å berre dele ut midlar. Det bør difor i den same saka til fellesnemnda peikast på utfordringar på trafikksikringsfeltet i nye Vestland fylke. FTU i nye Vestland fylke bør ta ei aktiv rolle i arbeidet med oppfølging av vegtrafikklova §40a, og i gjennomføringa av tiltaka i Nasjonal tiltaksplan for trafikksikring på veg. I tillegg til dei politiske medlemene, har også FTU mange rådgjevande medlemar. FTU er ein viktig møtearena for ulike etatar som jobbar med trafikksikring. Både politi, Statens Vegvesen, Trygg Trafikk, ungdommens fylkesting og fleire einingar i fylkeskommunen møtast gjennom FTU. FTU bidreg til å oppretthalde eit godt fagmiljø innan trafikksikring.